

دائرة مخصوصه

درسعادتده باب على جوارنده

محل اداره :

مشرط القلم

اخطار :

مسلكمزه موافق آثار جديده مع المنوئيه
قبول او انور

درج ابدى من آثار اعاده او انور

ديره، فلسفه، علوم، حقوق، ادبياتده و سياسياتده وبالخاصه كرك سياسى و كرك اجتماعى و مدنى احوال و شئون اسلاميه و در بحث ايدر و هفته ده بر نشر انور.

آبونه بدلى

سنه لى

التى آيلنى

ممالك عثمانيه	ايچون	۸۰	۴۰	غروش
روسيه	»	۶۰	۳۰	روبله
ساثر ممالك اجنبيه	»	۱۷	۹	فرانق

صاحب و مؤسلى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

درسعادتده نسخه سى ۵۰ پاره در

قبرله دن مقوا بورو ايله كوندريلىر سه سنوى
۲۰ غروش فضله آلير

دردنجى جلد

۴ ربيع الاخر ۳۲۸ پنجشنبه ۱ نيسان ۳۲۶

عدد : ۸۴

دور ثانی به کلنجه بوکا دائر سویله جگم سوز شوندن عبارتدر :
دول اسلامیه دن ایکی دولت بو لزومی تقدیر ایتشددر . برنجیسی اندلس
دولت امویه سیدر که قرن ثالث هجرتده قرطبه شهرنده اجله علمادن
متشکل برشورای قضا تأسیس ایتشددر . طوغر و سنی سویله مک لازم
کلیرسه بو مجلس حقنده سزه تفصیلات ویردمیه جگم . انجیق صحائف
تاریخ آردسنده کوردیکم معلومات اندلس شورای قضاسنک اهمیتنی
مؤیددر . مع التأسف بو کون یانمده بولنیمان قرطبی نك کتاب الاحکامنده
شوسوزلر مندرجدر : «شوری بر جوق احکامده امام مالکک مخالفت
ایدرك ابو قاسمک قولنی اختیار ایتشددر .»

ایکنجی دولت ایسه مجله احکام عدلیه جمعیت عالیه سنی تأسیس
ایدن دولت عثمانیه در .
مترجمی محمد عاکف

صوک

هامش — رفیق بك مجله جمعیتك مقصد تشکلی ایضاح ایدیورکه
قارئین کرام ایچون معلوم اولدیغندن ترجمه سندن واز کچدک . ده صوکره
سوزلرنده خطاسی وارسه عفو اولمسنی برلسان محویت ایله رجا ایدرک نطقه
خانه ویریور .

ومعاونت معنویه لرینی استرحام ایلدکلرندن بونیازه قلباً اشتراک بیوران
حضرت پیر همان توجه وواقع اولان اشارت علیه ارزینه جناب ناظم
منقبة جلیله نی وحضرت پیرده عربی توشیح لرینی نظم وانشاد بیورمشلردر .
ناظم مشارالیه ک مسلم اولان فضیلتلری درجه سنده فن موسیقی بهده
انتساب تاماری اولدیغندن اصول موضوعه سی وجهله بسته ایوب برلیله
معراجده قرائت ایدلش وبوندن صکره حضرت سنبل سنان قدس
سره المنان وحضرت هدایی قدس سره الهادی کبی پیران طریقت
خانقاهلرنده وکیت کیده بالجه تکایا وجوامع شریفه ده امر قرائت
تعمم ایتشددر . منقبة جلیله مذکورده مناسبیتله خانقاه مذکورده
عظیم بر جمعیت تشکل ایدوب او عصرک اکابر مشایخی کافه حاضر
بولنلش وشو موفقیتلرندن دولای کرک پیر مشارالیه وکرک دده
حضرتلری تبریک ایدلشلردر . بروسلی سلیمان چلبی مرحومک مشهور
آفاق اولان منظومه ولادت نبویه لری نه درجه مظهر قبول خاص
و عام ایسه بحثی صدندده بولدیغمنز منقبة جلیله معراجیه ده اولسنبدنه
حائز موقع تعظیم واحترامدر .

نصوحی زاده کرام الدین

زیارت روضه مطهره

مدینه منوره ده روضه حضرت سیدالانامی زیارتله شرفیاب اولان
برارقداشمک اورادن کوندردیکی بر مکتوبک صورتی ارسال ایلدم .
بك عاشقانه یازلش اولدیغندن قارئین کرامکزک خوشنه کیده جگنی
بیلیدیکم ایچون بلکه صراط مستقیمه درج بیوریلور امیدنده بولوندم .
(صورت مکتوب)

نور عینم قدداشم

مدینه منوره دن برمودتنامه عاشقانه تحریر و تقدیمی وعدا ایلشیدم .
ایشته بو وعدی ایفا ایلورم :

بحمداه میسر اولدی وصلت بزم جانانه

قلبمده اوتهدنبرو بك بیوک یرطوتان عشق جلیل جناب محمدینک
تأثیرات حسنه سیله اقطاف اولنان ثمره نافع موفقیته ؛ بوکون
روضه عطرنک حضرت سیدالکونینه یوز سورمک شرف عظیمنه
نائل اولمقلغمدر . ایلرم حمد وثنا اللهه .

بو عهد بختیار ؛ بوکون بر بشقه عالمده در ، بشقه بر حیاته مظهر
اولشددر ، بوسعادت عظمایه مظهر یتک علویته دوشوندکجه سونجمدن
نه یابه جغمی بیله میورم .

حضرت شیخ عثمان شمسک :

بردلده که ظاهر اوله انوار محمد ظاهر کورینور چشمه دیدار محمد
بیورمسنده کی حکمته بوکون آثارله واقف اولیورم .

وقنا که یانمدن مدینه منوره ده متوجهاً حرکت اولندی ؛ دقیقه
بدقیقه قوه جاذبه محمدیه نك تأثیرات حیات بخشاسیله سمت جانانه
قریبت حاصل اولمغه وعادتا سرمدی بر حیات قوقوسی طویلغه

منقبة جلیله معراجیه

ایلك مولد سعادت مورد حضرت رسالتنهای جمعیتك تاریخ
تأسسنه دائر صراط مستقیمه درج اولنان مقاله واقفانه داعیلرنجه
منقبة جلیله معراجیه ؛ دائرده معلومات تاریخی بی واولیابده کی روایات
صحیحه نك نشری ایچون بر آرزوی خالصانه حصوله کتوردی . شایان
درج و قبول کورلدیکی صورتده مقاله دوریشانم صراط مستقیمک
برکوشه سنه صیقیشدیرلمق رجاسیله تقدیم اولندی .

حبیب خدا خواجه هر دوسرا علیه اکمل التحایا صلی الله تعالی
علیه وسلم افندمن حضرتلرینک منقبة جلیله معراجیه لری دارالخلافه
العلیه ده ایلك دفعه بیک یوز ایله بیک یوز اوتوز سنه سی ایچنده
اسکدارده طوغانچیلرده دفین خاک عطرنک پیران طریقت علیه خلوتیه دن
وسادات کرام ذوی الاحترامدن حضرت پیر محمد نصوحی قدس سره
الهادینک خانقاه فیض اکتناهلرنده تعظیبات فائقه وتکریمات لایقه ایله
قرائت ایدلش وبورسم بهینه مخصوص اولمق اوزره اعمال ایتدیریلان
کرسی ده الیوم خانقاه مذکورده موجود ومحفوظ بولمشدر . منقبة
جلیله نك ناظمی ایسه غلطه مولویخانه سی مشایخ کرامندن نابی عثمان
دده مرحومدر . حضرت ناظم اکثربا پیر مشارالیه حضرتلرینک
مجلس عارفانه لرینه مداوم اولدقلرندن برکون انشای صحبتده عشاق
ادبادن بر ذات ستوده صفاتک زاده طبع عاشقانه سی اولان نعوت
نبویه دن بر نعت شریفی حضور پیرده قرائتی انشاسنده مجرای کلام
بحث قدسی معراجیه تبدیل اولندیغی جهته ده حضرتلری ده چوقدنبرو
بووادیده بر منظومه عاشقانه نظم ایتک نیازنده ایسه لرده مظهر قبول
عالی امنیه خالصانه سنه مدار عظیم اولمق اوزره دلالت روحانیه